



Synfocity = 344

mail us at : synfo@bsnl.in, synfo@yahoo.com - Phone - 23146489th June, 2011

□ Pentikos Ni

June 12 (Pathianni) hi Pentikos Ni a ni. Pentikos tih awmzia hi 'Ni sawmgana' tihna a ni. Thuthlung Hlui-ah chuan Kalhlen Kut tiak ni atanga ni sawmganaah an hmang thin. Thuthlung Thar hunah erawh chuan Isua Thawhleleh tuk (Easter) atanga ni 50-naah hman a ni ta a ni. Presbyterian Kohhran chuan Pentikos ni hi Assembly puala tawngtai rual hun atan a hmang thin. India Hmarchhaka Presbyterian Inkhawmpui (Assembly) wavi 20-na, April 28 -30, 1972- a Churachanpur-a neih tumin hetiang hian rel a ni:-

Pentikos Ni hi Chanchin Tha hrihna (Evangelism) atana Tawngtai Ni-ah kum tin hman a ni ang a. Hemi nia thilpek lakkhawm Kohhran zawng zawngin he mi atan hian an dah hrang ang a, thilpek lakkhawm thei lo an awm erawh chuan tawngtaina tal an hmang tho ang. (Assembly Thurel No. 3, April 28, 1972).

Kumin Pentikos Ni-a Inkhawm dan tur hetiang hian ruahman a ni:

Chawhma Inkhawm

Thupui : An zain hmun khatah an awm khawm
Chhiartûr : Tirh. 2:1 - 4

Chawhnu Inkhawm

Thupui : Thlarau Thianghlim - Nunna petu
Chhiartûr : Gen. 1:1,2; Joh. 3:5 - 8

Zan Inkhawm

Thupui : Thlarau Thianghlima khat nun
Chhiartûr : Tirh. 2:42 - 47

Zan Inkhawmah hian PCI General Assembly puala thawhlawm lakkhawm a ni ang a, Bial Treasurer kaltlangin Synod Office-ah theh luh tur a ni. PCI General Assembly Headquarters:Shillong atangin tawngtaina thupui tur hetiang hian duan a ni baw -

I Lawmthu sawina :

- 1) PCI General Assembly leh Synod-te ramthar rawngbawlna avanga lawmthu sawina
- 2) Ramthara Missionary-te rawngbawlna avanga lawmthu sawina
- 3) Kohhran leh Ramthar Field-a ringthar kan neih belh zel avangin.

II Tawngtai sak tur :

- 1) Council For World Mission (CWM) hnuai kan Missionary-te tan
- 2) Mission hna thawktu :
 - Halflong-a Dimasa-ho zinga thawktute
 - Manipur-a Mangjing leh Sekmai field-a thawktute
 - Ri Bhoi Synod hnuai Amjong leh Marngar-a thawktute
 - KJP Synod Mihngi huam chhunga Barwai-a thawktute
- 3) Synod ten India leh Ram pawna missionary an tirh chhuahte tan
- 4) Administrative Secretary pathumte leh an chhungkua theuhte tan
 - Rev. Lalramliana Pachuau, Rev S.S. Majaw & Rev David T.Lhouvum
- 5) General Assembly Office-a thawktu dang mi 9-te tan
- 6) PCI General Assembly hnuai Synod-te thawhhona leh inpumkhatna tha zawk a lo awm zel theih nan

□ Synod Executive Committee wavi 234-na

June 7 atang khan Synod Office-a J.M. Lloyd Hall-ah Mizoram Presbyterian Kohhran Synod Executive Committee wavi 234-na chu an thu tan a, meeting hian waviin (June 9) thleng a awn ang. Meeting hi Rev. C. Lalsangliana, Moderator, Mizoram Synod-in a kaihruai a, SEC member 136-ah 125 an tel thei.

Rorel ni khatnaah Synod Secretary leh Synod Finance Officer te reports ngaihthlak a ni a, Audit Reports chu kum 2010-2011 Statement of Account thlirhonain a zui a. Hemi zawhah hian Synod hnuai Committee lian hrang hrang 11-a member term tawp ta mi 43-te thlakna hun hman a ni leh a, Upa, inneihna kawltu inthlak pakhat a awm a, kohhran pathum atanga kohhran hmang thlak rawtna lo lut chu ngaihtuah a ni baw.

SEC wavi 234-naah hian thu rel tur ngaihven hlawh tak tak 61 zet a awm a, heng zingah hian a hnuai mite hi thu lian zual bikte chu an ni -

- | | |
|--|---|
| 1) Secular College din chungchang | 7) Will Graham Crusade Aizawla neih tur chungchang |
| 2) Pavalai Pawl chungchang | 8) MPF Budget 2011-2012 |
| 3) Sikulpui lak let leh zir chianna | 9) Mipat Hmeichhiatna chungchang pawm dan puanchhuahna |
| 4) Pro. Pastor lak dan enthat | 10) Bishop of Pune Diocese nena inremna |
| 5) Consultation on Women's Ordination chungchang | 11) Pastor nemnggeh tawh hnuai an nupuite sawrkar hna thawh thu |
| 6) Counselling & Helpline Centre neih rawtna | 12) Biak In chhunga inchei dan tur kaihruaina |

SEC wavi 234-naa thu rel tur lo lut zawng zawng hi kohhran hmang thlak rawtna tih loh chu Synod Inkhawmpui thu kal zel leh Synod Committee peng hrang hrang atanga thu lut vek an ni.

Secretary Reports-ah hian FCI godown-ah Pathiannia load leh unload hna thawk tawh lo tura ngenna thlen a nih thu te, Synod 2010 thurel kal zel bawhzuinaah Zawlaidi (Grape Wine)-a alcohol awm zat titlema, social drinks atana siam tura sawrkar ngenna thehluh a nih tawh thu leh Champhai leh Hnahana grape chingtu hruaitute pawh kawm an nih tawh thu te, Synod Office-a Lift siam zawh a nih tawh thu leh a zo tawk power supply a awm loh avanga transformer lian buna hman theih tura ruahman mek a nih thu te leh JE atan Pu Lalramenga Royte s/o Pu Lalramthanga, Sihphir Dam Veng chu contract-a thawk tura lak thar a nih thu te tarlan a ni.

Rev. Zosangliana Colney, Synod Finance Officer-in April 2010 - March 2011 inkara Synod sum hmuh dan report a pe a, Budget kum hmasa zawka sum hmuh zat khumna chu Rs.12,25,67,781 zet a ni. Budget kum hmasa zawkin sum hman bang a hnutchhiah leh kum ral ta chiaha sum hmuh belhkhawm hi Rs.1,05,73,86,582 a ni. Auditors Reports-a a lan danin Synod sum zawng zawng hi a enkawltuten him tak leh fel takin an vawng vek tih hriat a ni a, chu bakah auditor-te hian kuta sum fai awm zawng zawngte hi physical verification an ti vek a, dik taka vawn a ni thi thu SEC meeting-ah hian tarlan a ni baw.

□ Whit Monday

June 13 (Thawhtanni) hi Whit Monday a ni a, Synod Office leh Synod Department hrang hrangte an chawl ang.

Contd...

- **MSSU**
 June 11 (Inrinni) hian Kelsih Kohhran Hall-ah Sunday School Zirtirtu Training neih a ni dawn a, training neihpui tur hian Upa Hrilthansanga, Mission Vengthlang; Pu P.C. Lawmzuala, Ramhlun Vengthlang (MSSU Trainers) leh Pu Lalthahluna Ralte, MSSU Asst. Coordinator te an kal ang. Zan Pathian Biak Inkhawmah Pu P.C. Lawmzualan 'Fanau enkawl (Child Evangelism) chungchang thuchah a sawi ang.
- **Kohhran Hmeichhia**
 June 15 (Nilaini) hian Zotlang Kohhranah Leadership Training & Kristian Chhungkaw Campaign neih a ni dawn a, hemi neihpui tur hian Central Kohhran Hmeichhe hruaitu Pi Lalsawmliani, Treasurer; Pi C. Lalneihkimi, Ex-Chairman leh Pi Zohmachhuani (Committee Member) te an kal ang.
- **Kristian Thalai Pawl**
 ♦ June 28 - July 14 chung hian Presbyterian Church of Taiwan Youth Fellowship ten '**I Love Taiwan Mission 2011**' an hmang dawn a, he programme-ah hian CKTP Leader Rev. K. Lalpiangthara, T/Upa Samuel Vanlalhlanga leh Pu H. Liantluanga, Mizoram Synod Choir Director leh Mizoram Synod Choir-te an tel ang. Mizoram Synod Choir member te hi mi 24 an ni a, CKTP hruaitute nen an vaiin mi 27 an kal dawn a ni.
 Hemi atana inbuatsaihnan June 8 - 14 chung hian Synod Multipurpose Training Centre, Mission Vengthlangah Mizoram Synod Choir member-te hian camp an nei mek a ni. June 25 (Inrinni) hian Aizawl an chhuahsan ang a, June 28 (Thawhlehi) ah Taipei an pan leh ang. June 29 (Nilaini) atangin I Love Taiwan programme hmangin hmun hrang hrangah hun an hmang ang a, July 18 (Thawhtanni) ah Taipei atangin Bangkok an pan leh ang a, July 19 (Thawhlehi) ah Kolkata lo thleng lehin July 21 (Ningani) ah Aizawl lo thleng leh tura beisei an ni.
 ♦ June 11 (Inrinni) chawhma dar 11:00 hian Association for Voluntary Blood Donation (AVBD) bultumin Synod Committee Room-ah Blood Donation Calendar siam chungchanga inrawnkhawmna (consultation) neih a ni dawn a, heta tel tur hian CYMA bakah Kohhran tina thalai pawl hruaitute sawm an ni. Central KTP hruaitute pawh sawm an nih angin he consultation-ah hian an tel ang.
- **Susamachar Prasaran Programme**
 June 12 (Pathianni) tlaiah Hindi Programme (Susamachar Prasaran) LPS & Zonet Cable atangin hetiang hian tih chhuah a ni ang :
 ♦ **Group/Choir/Solo** : The Leprosy Mission Choir - Ham Soup Te He
 ♦ **Group/Choir/Solo** : Central PYF Choir - Bara Pyara Lage
 ♦ **Sermon** : Rev B Zobiakluanga - Atma Ki Aguwai
 ♦ **Group/Choir/Solo** : Champhai Bethel Pastor Bial - Hosenna
 ♦ **Group/Choir/Solo** : Mission Veng Masihi Sangati - Rahi
 ♦ **Solo** : Kawngkharmawii - Krus tere nishan

HRIATTIRNA

Lalpa pawl nan - Tawngtai Thupui Bu chu hun rei tak sem chhuah tur a awm loh hnuin en that a, siam rem hnuah chhuttir leh a ni ta a. Synod Office, Mamawh lamna atangin Kohhran ta tur a lak theih leh ta e.

MUSIC SCHOOL ADMISSION

Synod Music Committee chuan July - December 2011 chhunga Theory of Music leh Keyboard zir duhte tan admission a hawng leh ta a. Dilna Form chu Synod Music Department, Synod Office-ah office hun chungin a duhte tan lak theih a ni e.

Hriattur pawimawhte :

1. **Dilna theluh theih hun** : July 11, 2011 (Thawhtanni) thleng
2. **Seat chang tur tarchhuah** : July 12, 2011 (Thawhlehi) 1:00pm
3. **Admission tih hun** : July 13 & 14, 2011
4. **Class tan hun** : July 15, 2011 (Zirtawpni)
5. **Fee dinhmun :**
 - 1) **Morning & Evening** : (a) Admission Fee - Rs. 100/-
 (Kum 18 chin hnuai lam tan) (b) Monthly Fee - Rs. 300/-
 - 2) **Day Shift** : (a) Admission Fee - Rs. 100/-
 (Puitling tan) (b) Monthly Fee - Rs. 500/-
6. **Class kal hun :**
 - 1) **Morning Shift** :- 06:30am - 07:30 am (Kum 9 -13 inkar)
 (Mi pakhat tan kar khat chungin ni kar danah wawi 3 Class neih tur a ni)
 - 2) **Day Shift** : 09:30 am - 10:30am (Kum 19 chin chunglam)
 10:30 am - 11:30am (Kum 19 chin chunglam)
 01:00 pm - 02:00pm (Kum 19 chin chunglam)
 02:00 pm - 03:00pm (Kum 19 chin chunglam)
 03:00 pm - 04:00pm (Kum 19 chin chunglam)
 - 3) **Evening Shift** : 04:00 pm - 05:00 pm (Kum 14-18 inkar tan)

Rev. Lalzuithanga,
Executive Secretary, i/c Music

